

Алдан-маадырларның 120 чыл ою —

Тываның төөгүзүндө онза болуушкун



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де
үнүп эгелээн

№ 90 (16701)

2003 чылдың
ИЮЛЬ 22,
вторник

Ат салган шагы 19.35
Садар өртээ 3 рубль.

БАЙЫРЛАЛЫҢАР-БИЛЕ

Хүндүлүг сүт-хөлчүлөр!

Тыва Республиканың Чазааның мурнундан тыва чоннун төөгүзүндө балалбас исти арттырып каан алдан-маадырларның тура халышкынындан бээр 120 чыл ою-биле силерге изиг байырны чедирдим!

Бо байырлал чүгле тываларны эвес, а бүгү республика чонунун байырлалы. Делегейниң чоннары чурттуң хосталгазы, бот-догуннаашкыны дээш туржуп, ол дээш амы-тынын харам чокка берип чораан маадырларын амдыгаа дээр алгап-йөрээп чоруур. Самбажыктың, Кожажар-Комбулдайның, Дажыманың дээш, оон-даа өске маадырларывыстың дөргүл-төрелинге изиг байырны чедирип, аас-кежикти, чедишкиннерни күзедим!

Мооң-даа мурнунда тывалар бодунун эргелери, хосталгалары дээш туржуп келген. Алдан-маадырларның манчы-кыдат дарлалынга удур тура халышкыны чүгле аймак-суму иштинге эвес, бүдүн Даа кожуунга өөскүп тараан болгаш бүдүн тыва чонну каттыштырып, чаңгыс омак-сөөктүг чон-дур бис деп билигни кижги бүрүзүнүң угаанынга сиңирген. Өгбелеривистин туржуп чораан күзели 1921 чылда боттанган — делегей картазынга бот-догуннаан Тыва Арат Республика көстүп келген. Ам бо хүннерде акы-дунма Россия Федерациязы-биле бир дөмей, Тыва политиктиг болгаш экономиктиг чуртталгазын ажык-чарлыг болдуруп, демократчыдарының таваан салган.

Бурунгуларывыстың төөгүзүн сагынмышаан, боттарывысты делегей сайзыралындан хоора бодавайн, үе-дүптөн кожа чурттап келген кожаларывыс Моол, Кыдат болгаш Россия-биле экономика-культурулуг харылзааларывысты улам ыңай бижиктирар ужурулуг бис.

Алдан-маадырларның тура халышкынының 120 чыл ою-биле, эргим өңүктөр! Иштики болгаш даштыкы дарлакчылар-биле кам-хайыра чок демисежип чораан өгбелеривистин чырык овуру чон-нун сагынга кезээ мөңгедө артар болзун. Силер бүгүдөгө хей-аьды бедик, ажыл-ишке шудургу болурунарны, аас-кежикти күзедим!

Тыва Республиканың Чазааның Даргазы Ш.ООРЖАК.

БЕДИК ШАҢНАЛДАР

Тыва Республиканың Чазааның Даргазы Ш.Д.Ооржактын Чарлыгын езугаар Сүт-Хөл кожуунунун социал-экономиктиг хөгжүлдөзүгө кириген ачы-хавыязы болгаш үлүү дээш Сүт-Хөл кожуунунун ажылдакчыларын шаңнаан.

«Тыва Республиканың алдарлыг малчыны» Хүндүлүг атты

Алдан-Маадыр сумузунда «Хемчик» МУБ-та кадарчы Чуруш Аньяковна Ооржакка;

«Тыва Республиканың көдээ ажыл-агыйының алдарлыг ажылдакчызы» Хүндүлүг атты

Алдан-Маадыр сумузунда «Хемчик» МУБ-та мал эмчизи Спей Дагбаевна Ондарга;

«Тыва Республиканың алдарлыг ажылдакчызы Хүндүлүг атты

«Хемчик» МУБ-та гидротехник Чучун Кордемович Ооржакка;

«Хемчик» МУБ-та прораб Борбак-оол Чыжаевич Ондарга;

«Хемчик» биче бүдүрүлгедө бригадир Михаил Эрес-оолович Ховалыгга;

«Тыва Республиканың өөредилгезиниң алдарлыг ажылдакчызы» Хүндүлүг атты

Алдан-Маадыр ортумак школазында эге класстар башкызы Чечек Бүкүеевна Монгушка тывыскаан.

Тыва Республиканың Чазаа Даргазының Хүндүлел бижикти

биле

«Хемчик» биче бүдүрүлгедө тудугжу Игорь Төгүсович Ондарны;

Чадаананың Сүт-Хөлде ОСТУ-да машинист Оюн-оол Кан-оолович Ооржакты;

Алдан-Маадыр сумузунда «Хемчик» МУБ-та механизатор Сонгаар-оол Хүргүл-оолович Монгушту;

Алдан-Маадыр сумузунда «Хемчик» МУБ-та чер сугтарыкчызы Виктор Шыдыраевич Ооржакты;

Алдан-Маадыр сумузунда «Хемчик» МУБ-та кадарчы Көшкен-оол Көк-Хунаевич Монгушту;

Алдан-Маадыр сумузунда фельдшер Сүгдер Санчай-ооловна Монгушту шаңнаан.

ТР-ниң Чазааның Даргазы Ш.Д.Ооржактын 2003 чылдың июль 21-де № 341 Чарлыгын езугаар хей чылдарда үре-түннелдиг кады ажылдакчыларга болгаш 65 харлаанынга холбаштыр Томск областың Күрүне Думазының даргазы Борис Алексеевич Мальцевке «Тыва Республиканың алдарлыг ажылдакчызы» Хүндүлүг атты тывыскаан.



Сарыг-оол Сааяның «Алдан-маадырлар» деп чураан чуруу.

ЧАШТАНЧЫДАН ЧАЛБЫЫШ ҮНГЕН

Алдан-маадырларның тура халышкынының 120 чылын демдегелеп эрттирер дугайында Алдан-Маадыр суму болгаш Сүт-Хөл кожуун чагыргаларының шийтпирлерин Тыва Республиканың Чазаа деткээш, бо республика байырлалын июль айда эрттирер дугайында доктаалды хүлээп алган. Юбилейни белеткээр болгаш эрттирер Чазаактын организастыг комитетин тургускан. Ол ышкаш байырлалга төлептиг ужуражыры-биле чорудар белеткел хемчеглериниң программанын хүлээп алган.

Тыва улустун төөгүзүндө кезээ мөңгедө балаттынмас болуушкун — алдан-маадырларның тура халышкынының 120



чылынга тураскааткан байырлал бөгүн Сүт-Хөлде эгелей берген.

Бо улуг найыр-биле холбаштыр Сүт-Хөл кожуун чагыргазының өмүнээзинден бүгү Тываның хей националдыг чурттакчы чонунга изиг байырны чедирип тур мен. Ол ышкаш утгундурбас төөгүлүг болуушкунун маадырларының төрелдеринге, эрткен үениң ол болуушкуннарынга киришкен бүгү кижилерниң салгалдарынга сеткилдин ханызындан байырны чедирдим. Эргим чонум, чаңгыс чер-чурттугларым! Чараш бойдус чурумалдыг, байлак ак-көк Тывавыстың болгаш Сүт-Хөл кожууну вустун бурунгаар хөгжүлдөзүгө кирип турар тургузукчу күш-ажылынарга чедишкиннерни күзевышаан,

(Уланчызы 2-ги арында).

Тываның төөгүзүндө онза болуушкун

ЧАШТАНЧЫДАН ЧАЛБЫЫШ ҮНГЕН

(Төңүзү. Эгези 1-ги арында).
быжыг кадыкшылды, аас-кежикти, өөрүшкүнү күзедим.

Бистиң өгбелеривистиң сурагылыг алдан-маадырларның тура халыышкыны — Тываның төөгүзүндө элеп читпес арынның бирээзи. Иштикинин болгаш даштыкының ийи дактыр дарлалынга удур амы-тынын артынга каггаш, хостуг амыдырал, эрге-шөлээ дээш эрес-дидим арааттарның эвилелдиг демисели национал бот-медерелдин өзүлдезинге, аймактарның башкаланчаан ажып эртеринге, төрүттүнген черинге, төрөл чонунга ынак болурунга идигни берген.

Алдан-маадырларның тура халыышкыны баш бурунгаар көрдүнген сорулга, организас чогу, ала-чайгаар шимчээшкин болганындан бастырган, оң киржикчилерин каржызы-биле шаажылаан. Бндыг-даа болза оларның хосталга, эрге-шөлээ дээш бодал чораан бодалдарының одун салгакчылары өжүрбээн, харын-даа хөрлээлеткен. Чаштанчы оттан чалбыыш үнер деп мерген угаанныг тывалар кончуг шын угап сөглээн. алдан-маадырларның хосталга дээш демиселиниң чаштанчы оду чоорту хөрлээлээш, 1914 чылда Россия биле Тываның аразынга харылзааларның эгелээринге, 1921 чылдын августа Тыва Арат Республиканың тургустунарынга салдарны чедирген. Ынчангаш алдан-маадырларның бодалдары бодараан, “чаштанчы от чалбыышталып үнгени” ол-дур. Моон бээр Тываның социал-экономиктиг хөгжүлдези, күрүне тургузуунун сайзыралы эгелээн, бурунгаар депшилгелиг базымнарны кылган.

Алдан-маадырларның өлүм чок херээн алдаржыдып мөңгедеринге Тыва Арат Республиканың Биче хуралының Президиумунун 1941 чылдың майда болган хуралының шиитпири улуг рольдуг болган. 1883 чылда Хемчикке иштикинин болгаш даштыкының дайзыннарынга удур тура халыышкан революсчучу алдан кижини «алдан дургуннар» дивейн, алдан-маадырлар деп адаарын доктааткан. Ол ышкаш «Алдан-маадырларның тура халыышкынын улам ыңай шинчилээринин болгаш оң киржикчилеринин тураскаалын мөңгедеринин талазы-биле хемчеглер дугайында» ТР-нин Чазаның 1993 чылдың июньда хүлээп алган доктаалы алдан-маадырларның ат-алдарын улам көдүргөн, моон соңгаар чүнү кылырын тодаргайлаан.

Тыва Арат Республика, Тыва автономнуг область, Тыва АССР болгаш Тыва Республиканың чылдарында алдан-маадырларның тура халыышкынының төөгүзүн шинчилээр, оларның маадырлыг демиселин шын көргүзүп турар янзы-бүрү жанрлыг чечен чогаалдарны чогаалдыр, маадырларга тураскаалдарны мөңгедер талазы-биле биче эвес ажылдарны Тывага кылып чоруткан. Тыва Республиканың Чазаның 1992 чылдың сентябрьда хүлээп алган доктаалы-биле алдан-маадырларның тура халыышкынының 110 чылынга тураскааткан бир дугаар республика байырлалын 1993 чылдың июнь айда Оргу-Шөлге эрттирген. Бо дээрге хосталга дээш демисежип турган өгбелеривистиң ат-алдарын, тура халыышкынын ужурдузанын улам көдүргөн, бо болуушкунну эртем талазы-биле шинчилээрин ханылатканы-дыр. Ам алдан-маадырларның тура халыышкынының 120 чылынга

тураскааткан ийги республика байырлалын демдеглеп турары-выс бо.

Алдан-маадыр өгбелеринин соон салгаан Сүт-Хөл, Чөөн-Хемчик, Барыын-Хемчик, Чаа-Хөл, Өвүр кожууннарның чурттакчы чону улуг найырны ажыл-ижинде, амыдыралында багай эвес көргүзүлгелериг уткуп турарлар. Оң тодаргай чижээн алдан-маадырларның чурту — Сүт-Хөлден көрүп болур. Рынок экономиказынче шилчилгениң берге чылдары турза-даа, кожуунда өңчүнүн бүгү хевиринин ажыл-агыйлары рынок экономиказының негелделеринге дүүштүр ажылдап турарлар. Мал болгаш чер ажылы сайзырап орат. Чер — бистиң кол чөмгерикчивис, ыңчангаш оң үнүш-дүжүткүрүн бедидеринче күчээнгей салдыган. Чыл бүрүдө кожуун 5 муң га черде тарааны тарып келген. Эрткен чылын бир гектардан ортумаа-биле 11 центнер дүжүткү алган. Малдың баш саны көвүдээн, оң продуктуларын чон колдады рынокка сааргаш, кирип алган орулгазы-биле амыдырап турар. Чурттакчы чон азырадыкчы хөөндөн үнүп, боттарын боттары хандырттынаринче сагышты салып эгелээн. Боттарының хуу дузалал ажыл-агыйын хөгжүдөр дээш шудургу ажылдап турар болу бергеннер. Культура, школа, эмнелге болгаш өске-даа социал адырның албан черлеринин ажыл-чорудулгазы чүгээртээн, кышка белеткелди доосканнар.

Алдан-маадырларның тура халыышкынының 120 чылынын байырлалыга төлептиг ужуражыры-биле чорудар белеткел хемчеглеринин программанын күүседир дээш республиканың оргкомитеди-биле кады кожуун чагыргазы боттуг ажылды чоруткан. Оң түннелинде ол күүсеттинген. Теве-Хая — Суг-Аксы аразының автооруун асфальтылаарынга чамдык бергелер турза-даа, ону Чадаананың орук-септелге-тудуг эргелели Кызылдың «Восток» орук тудар организацияның, Абазаның орук тудар бригаданың киржилгези-биле доозуп, ажылгалга киирген. Олар кыска үениң дургузунда улуг хемчээлдиг, кожуунун бурунгаар хөгжүлдезинге кончуг рольдуг орукту тудуп бергеннер. Оон ангыда Хемчикти кежир көвүрүгнү чаартып септээннер.

Суг-Аксында кожуунун чаа Культура бажынын ажылгалда киирген, үптөттинген турган ийи каът бажынын эде дерээш, социал төптү ажыткан. Базаарны, стадионну эде кылган, суурнун үш кол кудумчузун чаагай-жыткан. Алдан-Маадыр суурнун Самбажык аттыг Культура бажынын, музейин септээн, кудумчуларын чаагайжыды кылган, Суг-Аксындан олче баар автоорукту дескилээн болгаш кожуунун өске-даа сумуларында, суурларында эвээш эвес ажылдар кылдыган. Оон ангыда спортчу маргылдаалар, культура хемчеглери эрттиреринге хынамчалыг белеткенген бис. Ынчангаш сүт-хөлчүлөр өгбелеринге тураскааткан байырлалды төлептиг уткааннар.


Бо чүгге сүт-хөлчүлөрнин эвес, бүгү Тываның чонунун байырлалы болганда, бистиң ак-көк Сүт-Хөлге аалдап келириңерни чалааш, спортчу маргылдааларга, культура хемчеглеринге идепкейлиг киржириңерни, чедишкиннерни күзедим. Байырлал-биле, эргим чонум!

Иван МОНГУШ,
Сүт-Хөл кожуун чагыргазының баштыңы.

ӨГБЕЛЕРНИН ЧУРТУНДА



Оргу-Шөлде тураскаал.



Күш-ажылдың хоочуну механизатор Шолбан-оол Ондар.



10-гу класстың өөреникчизи Шенне Ооржак.



Самбажык аттыг Культура бажының директору Алефтина Монгуш.



“Хүнчүгөш” урутлар садының кижиздикчи башкызы Айгерим Ооржак танцычылар Ая, Чайка-биле.

Алдан-маадырларның 1883-1885 чылдарда тура халыышкынының төвү Сүт-Хөлдүн Кара-Дага, Оргу-Шөлге болуп турган. Бо девискээрлер — оларның ыдыктыг чурту. Олар ам Алдан-

Маадыр сумузунга хамааржыр. Байырлал бүдүүзүндө аңаа чеде бергеш, алдан-маадырларның салгалдарының ажылы, амыдыралы-биле таныжар аргалыг болдум. Олар сурагылыг өгбеле-

ринин чер-чуртунун төөгүзүн эки билер, девискээринин социал-экономиказын хөгжүдөр дээш кызымак ажылдап чоруур кончуг төлептиг чон дээрзинге бүзүредим.

Амгы Алдан-Маадыр суурнун турар черин Көк-Терек булуңу деп адаарын билип алдым. Ол Чөөн-Хемчик кожуунун Хорум-Даг сумузунга хамааржыр турган. 1941 чылда Сүт-Хөл кожуун тургустунарга ол аңгы суму болу берген. Бурунгу өгбелеринге тураскаадып сумуну, оң төвү Алдан-Маадыр деп адаан. Моон эгелээш бо черге үндезин чаартылгалар болган.

1961 чылда «Алдан-Маадыр» совхоз тургустунган, оң ишчилери боттарының бурунгуларының ат-алдарына төлептиг болуп, бүдүрүкчүлүг ажылдааш, кыска үениң дургузунда ажыл-агыйын республиканың мурнакчыларының санынче кирген. Совхоз Бүгү-эвилелдин, Бүгү-россияның, Тываның социалистиг чарыштарынга каш удаа тиилекчизи болуп келген. Бо улуг херекке малчыннар Социалистиг Күш-ажылдын Маадыры Даңы-Намчал Ооржак, Чазактын шаңналдарын алганнар Доржу Ооржак биле Серен Ооржак алышкылар, Оттук Монгуш, чер ажылдакчылары Кызыл-оол Алдын-оол, Эрес-оол Монгуш, механизаторлар Маска Ооржак, Шолбан-оол Ондар болгаш өске-даа он-он мурнакчылар күш-ажылчы үлүүн киирген.

Амгы үеде совхоз Сүт-Хөлдүн «Хемчик» каттышкан күрүне бүдүрүлгезинин салбыры кылдыр эде организастаттынган.

— Бистиң салбыр мал болгаш чер ажылын хөгжүдөр угланыышкынын, бо талазы-биле көргүзүлгелеривис багай эвес. Бо (Уланчызы 3-ку арында).

Тываның төөгүзүндө онза болуушкун

ӨГБЕЛЕРНИИ ЧУРТУНДА



дьяжык алышкыларның салгалдарын элээн каш чыл шинчилеп келгеш, улуг хемчээлдиг ажилды бижээн. Ону музейде делгээн, маңаа келген-

кааткан элээн каш тураскаалдарның автору. Оларның аразындан Сарыг-Сиген артының кырында, Оргу-Шөлде тураскаалдары онзаланып турар. Чүл дээрге утказы кончуг ханы, оон дугайында хөйну чугаалап болур, чүгле демир аймаандан шуткуп

кылган, кончуг быжыг. Оргу-Шөлде тураскаалда Улястайга каржызы-биле шаажылат, кан 47 маадырларның фамилияларын, аттарын демирден шуткуп сиилбирлээн, экиле кылган чогаадыг.

— Суражаан өгбелеривистин аталдарын мөңгө жидерибиле тураскаалды төлевилеп чогаадыр, оон утказы кандыг болурунун дугайында бодал менээ шагда-ла кирген,



Сарыг-Сиген артында тураскаал.

(Төңгүзү, Эгези 2-ги арында).

казын 300 ажыг гектарда тараа культураларын суггаттыг черлерде тараан бис, үнүжү эки. Мында бодунун херээнге бердинген кижилер ажылдап турар. Ынчангаш өгбелеривис байырлалын эки уткуп тур бис — деп, салбырның удуртукчузу Ортун Сарыглар чугаалап олурду.

Алдан-маадырларның тура халышкынының төөгүзүн, оон киржикчилеринин салгалдарының ук-ызыгуурун шинчилээр, өөренир талазы-биле сумуда кандыг ажил чоруп турарын республиканың Алдан-Маадыр аттыг чурт-шинчилел музейинин суурда салбырының директору Клавдия Донгак чугаалап берген. Бо салбыр 1995 чылда ажытылган, оон бээр чугула ажылдарны кылганын таньжып көрдүс. Алдан-маадырларның салгалдарын дилеп тыпкаш, оларның даңзызын көскү черде аскан болду. Өгбелеринин салгалдарының ук-ызыгуурун тодарадыр, тывар талазы-биле Алдан-Маадыр ортумак школазының өөреникчилери улуг ажылды кылып турар. Онгу класстың өөреникчизи Шеңне Ооржак Самбажык, Са-



Күш-ажылдың хоочуну механизатор Маска Ооржак.

нерниң кичээнгеийн ол хаара тудуп турар чорду. Бо дугайында илеткелди Шеңне алдан-маадырларның тура халышкынының 120 чылынга тураскааткан республиканың эртем-практиктиг конференциязынга кылган.

Өгбелеринге тураскаалдарны чогаадып, кылыр дээш алдан-маадырларның амгы салгалының кижилери улуг кичээнгеийни салып турар. Бо черниң үндезин чурттакчызы ус-шевер, каңкачы мастер, Алдан-Маадыр суму чагыргагазының даргазы, "Тыва Республиканың культуразының алдарлыг ажылдакчызы" Ортун Сарыглар — маадырларга турас-



Ээлтир таньыччылар.

элээн каш чыл дургузунда угаазылап, төлевилеп, чогаадып келгеш, тураскаалдарны кылган мен. Олар чонун сагыш-сеткилинге тааржып турар хире — деп, Ортун Эртинеевич чугаалаар болду. Шынап-ла, ол тураскаалдарны көргөннер оон авторунга эки үнелди берип турарын дыннадым.

Алдан-маадырларның чуртунда оларның салгалчылары өгбелеринин бодалдарын бодарадыр дээш ажыл-агыйның кайы-даа адырында херээ бүдүнгүр, холу туттунгур ажылдап турарын эскердим. Оларга чүгле экини күзээлинер.

Таан-оол ХЕРТЕК.

Василий БАЛЧЫЙ-ООЛДУН чуруктары.

Тываның бир төөгүлүг черинде турар хөй өөреникчилерлиг школаларның бирээзинге Сүт-Хөл кожунун Алдан-Маадыр ортумак школазы хамааржыр. Алдан-маадырларның тура халышкынының 120 чылынга уткуштур 2002-2003 өөредилге чылын бистиң школавыс багай эвес дооскан.

Амгы үеде школада 42 башкы ажылдап турар, оларның иштинден дээди эртемниглер — 28 киж. 13 башкы бирги категорияның, бир башкы дээди категорияның деңгелинде деп үнелеткен. А.Ш. Куулар, З.Х. Султамуратова (школаның директору), К.А. Ооржак — «РФ-тиң өөредилгезинин хүндүлүг ажылдакчылары» аттын эдилекчилери. А «Улуг башкы» деп атты В.М. Сарыглар биле Ч.Б. Монгушка тывыскан. 2002-2003 өөредилге чылының түннели-биле школада шупту 304 өөреникчи бар. (170 оол, 134 уруг). Оларның иштинден 16 өөреникчи чүгле «5» демдектиг, 68-и «4-5»-терге доосканнар. Эки өөредилгелиг, корум-чурумнуң өөреникчилерни база кожуун, республика чергелиг олимпиадаларның тиилекчилерин чыл төңчүзүндө-ле шаңнап-мактап турар бис.

Бо чылын катап олуруп, күскү шылгалдага арткан өөреникчи чок болуп, 11-ги классты 23, 9-ту 30 өөреникчи дооскан. Күрүнең түннел аттестациязын эки тудуп, быжыг билин көргүскенерге: Даяна Ооржак, Раджан Монгуш, Шеңне Ооржак, Хенче Ооржак (9-ку класс доозукчулары) база Тайгана Ооржак, Олеся Деге, Айлаң Ооржак, Буян Ондар, Булат Ооржак (11-ги клас-

чылар) болгаш өскелерни-даа хамаарыштырып болур.

Школавыс доозукчулары чылдың-на дээди болгаш ортумак өөредилге черлеринче дужаап кирип ап турарлар. Ол талазы-биле кожуун школаларының аразында ийиги черде турар бис. Бо хүннерде доозукчуларыбыс боттарының шилип алганы



Школаның бөлүк башкылары.

мергежилин чедип алыры-биле аңгы-аңгы өөредилге черлеринче шылгалдалар дужаап чорупканнар. Оларга шылгалдаларны чедишкениг дужаап алырын йөрээп, чаа-ла шериг чорупкан ийи оолга шериг хүлээлгезин эки эрттирерин күзедивис.

Эки өөредилгеден аңгыда, кожуун болгаш республика чергелиг спортчу маргылдааларга киришкеш, багай эвес түннелдерни чедип ап келген өөреникчилеривис: Буян Ондар, Булат Ооржак, Али Куулар, Орлана Монгуш, Сылдыс Монгушка

чоргаарланыр бис.

Кандыг-даа школа мурунда салган сорулгалыг, чаартылгаже чүткүлдүг ажылдаар ужуруг. Бистиң школавыс каш чыл улай «Уругларның угаан-медерелин болгаш эстетиктиг-экологтук кижизидилгезин сайзырадыр» деп угланышкын-биле өөредилге-кижизидилге ажылын

чорудуп турар. Башкылар өөреникчилерниң сонургалдарын барымдаалап, факультатив, бөлгүмнерни, класстан дашкаар ажылдарны эрттирип турар. База ол ышкаш «Кичээлдерге чаа технологияларны ажыглап тургаш, өөредилгенин шынарын болгаш дээштиин чедип алыры» тускай сорулгалыг методчөвүлел ажылын бодум удуртуп турар мен. Бодунун эртеминге эки кичээлдерни эрттиргеш, башкылар аразында эртер мөөрейлерге тиилекчи болганнар Вера Хоор-ооловна Ховалыг, Екате-

рина Ыйдымбуевна Ондар, Мария Кошкар-ооловна Ооржак, Марина Мөнгүн-ооловна Эрилге, Урана Дыгбышовна Ховалыг, Урана Маадыр-ооловна Ооржак хамааржыр.

Башкылар болгаш өөреникчилер аразында чылдың-на аңгы-аңгы темаларга эртем-практиктиг конференцияларны эрти-

рип турар бис. Бо өөредилге чылында эрткен 5 эртем-практиктиг конференцияларны школаның библиотекары Салбак Бегзиевна Ооржак, тыва дыл болгаш чогаал методкаттыжышкынның удуртукчузу Екатерина Ыйдымбуевна Ондар база школавыс музейинин эргелекчизи Зоя Дүпчүновна Монгуш удуртуп эрттирдилер. Кожуунун «Экология, туризм, чурт-шинчилел төвүнүн» эргелекчизи Зинаида Калдар-ооловна Ховалыгның организастааны кожуун чергелиг «Алдан-маадыр өгбелерге ал-

дар, мөгейи» деп эртем-практиктиг конференция өөреникчилер аразында бедик деңгелге эрткен. Аңаа 5-8 класстар аразында бистиң школавыстың өөреникчизи Олеся Ооржак (5 класс) 1-ги черни алган.

Аныяк башкыларга арга-дуржулгазын берип чоруур дагдыныкчы, хоочун башкыларыбыс: Анастасия Шогдуповна Куулар, Клара Алдын-ооловна Ооржак, Валентина Мөңгеевна Сарыглар, Светлана Түлүшовна Бызытпаа, Зоя Хоолур-ооловна Султамуратова оларга чоргаарланып чоруур бис. Кабинеттеринин санитарлыг, практиктиг, эстетиктиг талалары негелделерге дүтжүп турар кылдыр дерээн, кызымак тура-соруктуг аныяк башкыларга: О.О. Сарыглар, Н.Д. Ооржак Е.Ы. Ондарны адап болур.

Өөредилге-кижизидилге айтырынын ниитилел тургузуунда болуп турар улуг ескерлишкинерге, үениң байдалдарында дүүштүр эде тургузарының талазы-биле ажылды чорутушаан, чедир кылдырмаан ажылдары-высты чаа өөредилге чылында шиитпирлеп, башкылаашкынга эки түннелдерлиг болур дээш башкы бүрүзү чогаадыкчы езу-биле ажылдаары бистиң кол хүлээлгевис ол болур.

Раиса Ховалыг,

Алдан-Маадыр ортумак школазының директорунун өөредилге-кижизидилге талазы-биле орапакчызы.

